

საარქივო მომსახურების გაწევის შესახებ
(ხელშეკრულება სახელმწიფო შესყიდვის შესახებ)

ქ. საჩხერე

28 იანვარი 2011 წელი

სსიპ თვითმმართველი ერთეული საჩხერის მუნიციპალიტეტი (მისამართი: 4000, ქ. საჩხერე, თავისუფლების ქ. № 4, ტელეფონი 8(235)25377, 8(95)770407, საბანკო რეკვიზიტები: ა/ა № GE65LB0121153666433001, სს „ლიბერთი ბანკი“, საჩხერის ფილიალი, კოდი LBRTGE22, საიდენტიფიკაციო ნომერი 239393811), შემდგომში წოდებული „შემსყიდველად“, წარმოდგენილი საჩხერის მუნიციპალიტეტის საკრებულოს თავმჯდომარის ნოდარ აბუაძის სახით და სსიპ-საქართველოს ეროვნული არქივი (მისამართი: ქ. თბილისი, ვაჟა ფშაველას გამზირი № 1, ტელეფონი 8(95)909640, საბანკო რეკვიზიტები: ა/ა GEO3LB0121160105327000, სს „ლიბერთი ბანკი“, ცენტრალური ფილიალი, კოდი 220101480, საიდენტიფიკაციო ნომერი 211358957), შემდგომში წოდებული „მიმწოდებლად“, წარმოდგენილი ეროვნული არქივის ტერიტორიული ორგანოს – საჩხერის არქივის დირექტორი თადეო ბარამიძის სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, „ეროვნული საარქივო ფონდისა და ეროვნული არქივის შესახებ“ და „სახელმწიფო შესყიდვების შესახებ“ საქართველოს კანონების საფუძველზე, ვდებთ წინამდებარე ხელშეკრულებას:

1. ხელშეკრულების საგანი

1.1 ხელშეკრულების საგანია საჩხერის მუნიციპალიტეტის ბიუჯეტის სახსრებით მომსახურების შესყიდვა გამარტივებული შესყიდვით, წინამდებარე ხელშეკრულებით გათვალისწინებული პირობების შესაბამისად.

1.2 მიმწოდებლის მიერ შემსყიდველისათვის გაწეული საარქივო მომსახურების საფასურის ოდენობისა და გადახდის წესის განსაზღვრა.

2. შესყიდვის ობიექტი

2.1 შესყიდვის ობიექტია საქართველოს ეროვნული არქივის ტერიტორიული ორგანოს – საჩხერის არქივის მიერ საჩხერის ადგილობრივი თვითმმართველი ერთეულის 1940-2006 წლების ხანგრძლივად შესანახ საქმეთა შენახვა ერთი წლის განმავლობაში, 2011 წლის 1 იანვრიდან 2011 წლის 31 დეკემბრამდე. სულ: 2903 (ორიათასცხრაასსამი) შესანახი ერთეული (საქმე).

3. ხელშეკრულების საერთო ღირებულება

3.1 წინამდებარე ხელშეკრულების საერთო ღირებულება განისაზღვრება 5806 (ხუთიათასრვაასექვსი) ლარს ოდენობით.

3.2 გაანგარიშებისას გამოიყენება „ეროვნული საარქივო ფონდისა და ეროვნული არქივის შესახებ“ საქართველოს კანონის დანართი „საქართველოს ეროვნული არქივის მიერ გაწეული მომსახურების საფასურის ოდენობის შესახებ“ საფასურის განაკვეთების 1 ნაწილის მე-12 პუნქტი.

3.3 წინამდებარე ხელშეკრულების მე-3 მუხლის 3.2 პუნქტში აღნიშნული კანონის დანართით საქმეთა შენახვის ღირებულება დადგენილია საფასურის განაკვეთის მიხედვით, ერთ შესანახ ერთეულზე (საქმეზე) ერთი წლით – 2 ლარი (ორი) დღგ-ს ჩათვლით.

3.4 მე-3 მუხლის 3.1 პუნქტში მითითებული თანხა შეიძლება შეიცვალოს საქართველოს კანონმდებლობით გათვალისწინებულ შემთხვევებში

შემსყიდველი

მიმწოდებელი

4. ანგარიშსწორების ფორმა და ვადები

3.1 წინამდებარე ხელშეკრულებით მიმწოდებლის მომსახურებით მოსარგებლე შემსყიდველი საფასურს იხდის „ეროვნული საარქივო ფონდისა და ეროვნული არქივის შესახებ“ საქართველოს კანონის 33-ე მუხლის მე-2 პუნქტის შესაბამისად:

ა) უნაღდო ანგარიშსწორებით;

ბ) უნაღდო ანგარიშსწორება ხორციელდება საქართველოს კანონმდებლობით დადგენილი წესით;

5. მხარეების უფლებება-მოვალეობანი

5.1 მიმწოდებელი ვალდებულია:

ა) გაუწიოს საარქივო მომსახურება შემსყიდველს სათანადო ხარისხითა და შესაბამისი ნორმების დაცვით;

ბ) დაიცვას წინამდებარე ხელშეკრულებაში მითითებული დოკუმენტები დაზიანებისა და შინაარსის გაყალბებისაგან.

5.2 მიმწოდებელი უფლებამოსილია:

მოთხოვოს შემსყიდველს ანაზღაურება „ეროვნული საარქივო ფონდისა და ეროვნული არქივის შესახებ“ საქართველოს კანონის 33-ე მუხლის, აღნიშნული კანონის დანართისა და წინამდებარე ხელშეკრულებაში მითითებული წესისა და პირობების დაცვით.

5.3 შემსყიდველი ვალდებულია;

ა) „ეროვნული საარქივო ფონდისა და ეროვნული არქივის შესახებ“ საქართველოს კანონის დანართის 1 ნაწილის მე-12 პუნქტით დადგენილი საფასურის განაკვეთის მიხედვით – ერთ შესანახ ერთეულზე (საქმეზე) ერთი წლით 2 ლარი (ორი) ღირებულების ჩათვლით.

ბ) გადაუხადოს შემსრულებელის წინამდებარე ხელშეკრულების მე-3 მუხლის 3.1 პუნქტით განსაზღვრული თანხა, ამავე ხელშეკრულების მე-4 მუხლში დათქმულ მოთხოვნათა შესაბამისად.

5.4 შემსყიდველი უფლებამოსილია:

ნებისმიერ დროს გააკონტროლოს მიმწოდებლის მიერ წინამდებარე ხელშეკრულებით აღებული ვალდებულების შესრულება და ხარისხი.

6. ფორს-მაჟორი

6.1 მხარის (მხარეთა) მიერ წინამდებარე ხელშეკრულების პირობების დარღვევა არ გამოიწვევს შესაბამის პასუხისმგებლობას, თუ აღნიშნული დარღვევა გამოწვეულია ფორს-მაჟორული გარემოებებით.

6.2 ფორს-მაჟორული გარემოება წარმოადგენს მხარეთათვის გადაულახავ, მათგან დამოუკიდებელ პირობებს (არ არის გამოწვეული მხარეთა არასწორი ქმედებების შედეგად), რომელთა წინასწარ გათვალისწინება შეუძლებელია, კერძოდ: ომი, ეპიდემია, კარანტინი და სხვა.

6.3 ფორს-მაჟორული გარემოების შემთხვევაში მხარემ, რომლისთვისაც შეუძლებელი ხდება წინამდებარე ხელშეკრულებით ნაკისრი ვალდებულებების შესრულება, დაუყოვნებლივ უნდა აცნობოს მეორე მხარეს, წერილობითი ფორმით.

7. ხელშეკრულებაში ცვლილებების შეტანა

7.1 წინამდებარე ხელშეკრულების დამდებ არცერთ მხარეს არ აქვს უფლება ცალმხრივად შეცვალოს ხელშეკრულების პირობები.

7.2 თუ რაიმე წინასწარ გაუთვალისწინებელი მიზეზის გამო წარმოიშობა წინამდებარე ხელშეკრულების პირობების შეცვლის აუცილებლობა, ცვლილებების ინიციატორი მხარე ვალდებულია შეატყობინოს მეორე მხარეს შესაბამისი ინფორმაცია წერილობითი ფორმით.

შემსყიდველი

მიმწოდებელი

7.3 წინამდებარე ხელშეკრულებაში შეტანილი ნებისმიერი ცვლილება უნდა გაფორმდეს წერილობითი ფორმით, ხელშეკრულების დანართის სახით, რომელიც წარმოადგენს ხელშეკრულების განუყოფელ ნაწილს.

8. ხელშეკრულების შესრულების შეფერხება

თუ წინამდებარე ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამოც ფერხდება წინამდებარე ხელშეკრულების პირობების შესრულება, შესაბამისმა მხარემ შეფერხების მიზეზების შესახებ დაუყოვნებლივ უნდა აცნობოს მეორე მხარეს წერილობითი ფორმით.

9. ხელშეკრულების შეწყვეტის პირობები

მხარეებს შეუძლიათ ვადაძდე შეწყვიტონ წინამდებარე ხელშეკრულება ერთ-ერთი მხარის მიერ წინამდებარე ხელშეკრულებით ნაკისრი ვალდებულების არშესრულების ან/და არაჯეროვნად შესრულების გამო. ხელშეკრულების შეწყვეტის ინიციატორი მხარე ვალდებულია შეატყობინოს მეორე მხარეს შესაბამისი ინფორმაცია წერილობითი ფორმით, წინამდებარე ხელშეკრულების შეწყვეტამდე არაუგვიანეს ერთი თვისა.

10. ხელშეკრულების პირობების შეუსრულებლობა და ინსპექტირება

10.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში მხარეებს ეკისრებათ პირგასამტეხლო ყოველ გადაცილებულ დღეზე გაანგარიშებით შეუსრულებელი ვალდებულების ღირებულების 0,1%-ის ოდენობით.

10.2 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისგან.

10.3 იმ შემთხვევაში, თუ ვადების გადაცდენისათვის დაკისრებული პირგასამტეხლო ჯამური თანხა გადააჭარბებს ხელშეკრულების ღირებულების 1 პროცენტს მხარეებს უფლება აქვთ შეწყვიტონ ხელშეკრულება.

10.4 ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს შესყიდული მომსახურების ინსპექტირება. ინსპექტირებას განახორციელებს ამ მიზნით საჩხერის მუნიციპალიტეტის საკრებულოს 2008 წლის 26 თებერვლის №19 განკარგულებით შექმნილი სპეციალური ინსპექტირების ჯგუფი, ხოლო მომსახურების მიღებას უზრუნველყოფს საჩხერის მუნიციპალიტეტის გამგეობის ადმინისტრაციული სამსახურის უფროსი ვალერი ცუხიშვილი.

10.5 წინამდებარე ხელშეკრულებაზე შესრულების კონტროლი მიმწოდებლის მხრიდან ეკისრება ეროვნული არქივის ტერიტორიული ორგანოს საჩხერის არქივის ღირეკტორს თადული ბარამიძეს.

11. დავის გადაწყვეტა

11.1 მხარეთა შორის წამოჭრილი დავა წყდება ურთიერთშეთანხმებით.

11.2 ურთიერთშეთანხმებით დავის გადაჭრის შეუძლებლობის შემთხვევაში, ნებისმიერი მხარე უფლებამოსილია დავის გადასაჭრელად დადგენილი წესით მიმართოს სასამართლოს.

შემსყიდველი



მიმწოდებელი



12. ხელშეკრულების მოქმედების ვადა

წინამდებარე ხელშეკრულება ძალაში შედის მისი ხელმოწერის დღიდან და მოქმედებს 2011 წლის 31 დეკემბრის ჩათვლით.

13. დასკვნითი დებულებები

12.1 წინამდებარე ხელშეკრულება შედგენილია, განიმარტება და რეგულირდება საქართველოს კანონმდებლობის შესაბამისად.

12.2 წინამდებარე ხელშეკრულება შედგენილია ქართულ ენაზე, ხუთი თანაბარი მნიშვნელობის მქონე ეგზემპლარად, რომელთაგან სამი გადაეცემა შემსყიდველს, ორი კი მიმწოდებელს.

შემსყიდველი:

სსიპ თვითმართვლი ერთეული საჩხერის

მუნიციპალიტეტი

მისამართი: ქ. 4000 საჩხერე

თავისუფლების ქ. №4

საბანკო რეკვიზიტები:

ა/ა GE65LB0121153666433001

სს „ლიბერთი ბანკი“,

საჩხერის ფილიალი

კოდი LBRTGE22

სნ - 239 39 3811

მიმწოდებელი:

სსიპ-საქართველოს ეროვნული

არქივი

მისამართი: ქ. თბილისი,

ვაჟა-ფშაველას გამზირი № 1

საბანკო რეკვიზიტები:

ა/ა GEO3LB0121160105327000

სს „ლიბერთი ბანკი“,

ცენტრალური ფილიალი

კოდი 220101480

სნ - 211358957

ნოდარ აბუაძე,

საჩხერის მუნიციპალიტეტის

საკრებულოს თავმჯდომარე

თადეო ბარამიძე,

ტერიტორიული ორგანოს

საჩხერის არქივის დირექტორი

Handwritten signature

Handwritten signature